

Na osnovu člana 16. stav 4. Zakona o Vladi Zeničko-dobojskog kantona (Prečišćeni tekst) ("Službene novine Zeničko-dobojskog kantona", broj 07/10), a u vezi sa članovima 37. stav (5), 45. stav (1) i 54. Zakona o izvršavanju Budžeta Zeničko-dobojskog kantona za 2016. godinu ("Službene novine Zeničko-dobojskog kantona", broj: 2/16), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 49. sjednici održanoj 29.03.2016. godine, d o n o s i

ZAKLJUČAK

o usvajanju Programa utroška sredstava budžeta za projekte iz oblasti veterinarstva u 2016. godini, u razdjelu 23, budžetska organizacija 01, potrošačka jedinica 0001, pozicija "Tekući transfer za Institut za zdravlje i sigurnost hrane Zenica za projekte iz oblasti veterinarstva" Budžeta Zeničko-dobojskog kantona za 2016. godinu

I.

Usvaja se Program utroška sredstava budžeta za projekte iz oblasti veterinarstva u 2016. godini u razdjelu 23, budžetska organizacija 01, potrošačka jedinica 0001, ekonomski kod 614100 "Tekući transfer za Institut za zdravlje i sigurnost hrane Zenica za projekte iz oblasti veterinarstva" u iznosu od 160.000,00 KM (slovima: stotinušezdesethiljada konvertibilnih maraka) Budžeta Zeničko-dobojskog kantona za 2016. godinu ("Službene novine Zeničko-dobojskog kantona", broj: 2/16) i čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

U skladu sa odobrenim sredstvima Budžeta za 2016. godinu u iznosu od 160.000,00 KM za svaku planiranu aktivnost iz Programa, Vlada će posebnim zaključcima odobravati sredstva na zahtjev Javne ustanove „Institut za zdravlje i sigurnost hrane“ Zenica.

IV.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu, Javna ustanova „Institut za zdravlje i sigurnost hrane“ Zenica i Ministarstvo finansija, svako u okviru svojih nadležnosti.

V.

Zaključak stupa na snagu danom donošenja.

Broj: 02-_____/16.
Datum, 29.03.2016. godine
Z e n i c a

**PREMIJER
PO OVLAŠTENJU**

Himzo Smajić

DOSTAVLJENO:

1 x Ministarstvo za poljoprivredu, šumarstvo i vodoprivredu,
1x Javna ustanova „Institut za zdravlje i sigurnost hrane“
Zenica (putem Ministarstva),
1 x Ministarstvo finansija,
1 x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU**

**PROGRAM UTROŠKA SREDSTAVA BUDŽETA
ZA PROJEKTE U OBLASTI VETERINARSTA U 2016. GODINI**

Zenica, mart 2016. godine

Podaci o programu

Program je usvojen:	na 49. sjednici Vlade Zeničko-dobojskog kantona održanoj 29.03.2016. godine.
Period realizacije Programa:	Realizacija programa utroška sredstava budžeta za projekte iz oblasti veterinarstva izvršiti će se u periodu od 01.04. do 31.12.2016. godine.
Ukupna vrijednost Programa:	160.000 KM.
Namjena Programa:	Zaštita zdravlja ljudi i životinja, povećanje proizvodnje, kvaliteta i podsticaj izvoza proizvoda životinjskog porijekla.
Korisnici Programa:	JU Institut za zdravlje i sigurnost hrane,
Izvor sredstava:	Budžet Zeničko-dobojskog kantona u 2016. godini, Ministarstvo za poljoprivredu, šumarstvo i vodoprivredu, "Tekući transfer za Institut za zdravlje i sigurnost hrane Zenica za projekte iz oblasti veterinarstva". Zakon o izvršenju Budžeta Zeničko-dobojskog kantona za 2016. godinu ("Službene novine Zeničko- dobojskog kantona", broj: 2/16 od 26.02.2016.godine).
Odgovorna osoba:	Himzo Smajić, ministar

I UVOD

Zakonom o veterinarstvu (*"Službene novine Federacije BiH"*, broj: 46/00), Zakonom o veterinarstvu u Bosni i Hercegovini (*"Službeni glasnik BiH"*, broj: 34/02) i Zakonom o osnivanju Javne ustanove Institut za zdravlje i sigurnost hrane (*"Službene novine Zeničko-dobojskog kantona"*, broj: 05/15), te djelatnostima Instituta koja se odnosi na:

- praćenje, analiziranje i proučavanje stanja u pogledu pojave, kretanja, suzbijanja i iskorjenjivanja zaraznih, parazitskih i drugih bolesti kod životinja i zoonoza,
- pružanja stručne pomoći veterinarskim organizacijama i proizvođačima proizvoda životinjskog porijekla i hrane za životinje,
- obavljanja i drugih poslova u skladu sa Zakonom, kao i propisima iz oblasti veterinarstva, a koji su dodijeljeni veterinarskom zavodu,
- implementiranju projekta koji doprinose unapređenju zdravlja ljudi, životinja i biljaka, kao i projekta koji doprinose osiguranju proizvodnje i prometa zdravstveno ispravne hrane,
- pružanja stručnih konsultantskih usluga iz djelatnosti rada Instituta, a posebno iz oblasti sigurnosti hrane,

utvrđeni su projekti iz oblasti veterinarstva :

1. Peradarstvo
2. Mljekarstvo
3. Zoonoze

Podizanje svijesti farmera o važnosti kontrole zdravlja domaćih životinja u uzgoju, bitnosti provođenja preventivnih epizootioloških i zootehničkih mjera na samim farmama. Potreba vođenja farmskih evidencija, uvođenje dobre farmske praksa i briga za dobrobit životinja, kao preduslov za kvalitetan uzgoj i garancija za proizvodnju sigurnih i zdravih proizvoda za krajnjeg konzumenta, te ulozi i odgovornosti farmera u zaštiti zdravlja ljudi, dodatno su uticali na odabir navedenih projekata.

Po Programu za 2016. godinu za projekte iz oblasti veterinarstva ukupno su opredjeljenja sredstva u iznosu od 160.000,00 KM.

II AKTIVNOSTI PLANIRANE PROJEKTIMA IZ OBLASTI VETERINARSTVA

- Analiza stanja (anketno ispitivanje uzgajivača peradi i mliječnih goveda po pitanju znanja, stavova i ponašanja dobre farmske prakse, odgovornosti u provođenju preventivnih mjera kao i analiza higijenskih uslova u uzgojima peradi i mliječnih goveda).
- Anketno ispitivanje konzumenata o znanju puteva širenja bolesti preko rizičnih namirnica.
- Edukacija uzgajivača peradi Zeničko-dobojskog kantona
- Edukacija farmera Zeničko-dobojskog kantona o provođenju preventivnih epizootioloških i zootehničkih mjera, prevenciji mastitisa, adekvatnoj ishrani muznih goveda, opasnostima od nekontrolisane upotrebe veterinarskih lijekova, pojavi rezidua u mlijeku, dobroj farmskoj praksi i ekonomičnosti proizvodnje mlijeka.
- Bakteriološke analize uzoraka sekreta vimena kod pozitivnog CMT-a.
- Antibiotogrami kao pokazatelj rezistencije mikroorganizama uzročnika mastitisa.
- Edukacija konzumenata o prepoznavanju i smanjenju rizika od bolesti.
- Analiza stanja nakon intervencije (ponovno anketno ispitivanje uzgajivača peradi i mliječnih goveda po pitanju znanja, stavova i ponašanja, kao i analiza odgovornosti u provođenju preventivnih mjera, vakcinacija, kontrole kretanja (obilježavanja životinja), vođenja farmskih evidencija, analiza higijenskih uslova uzgoja peradi i proizvodnje mlijeka sa posebnim akcentom na mastitise, oboljenja mliječne žlijezde i ekonomske gubitke koji iz toga proizilaze).

III CILJEVI PROJEKATA

- Podizanje svijesti farmera o važnosti kontrole salmonela u uzgojima peradi i bitnosti provođenja preventivnih epizootioloških i zootehničkih mjera na samim farmama.
- Potreba vođenja farmskih evidencija kao preduslova dobivanja kvalitetnih uzgoja slobodnih od salmonela, dobra farmska praksa, kao garancija za dobivanje sigurnih proizvoda za krajnjeg konzumenta.
- Kontrole zdravlja muznih grla, bitnost provođenja preventivnih epizootioloških i zootehničkih mjera na samim farmama, te korištenje adekvatne i izbalansirane ishrane.
- Kontrole zdravlja mliječne žlijezde-vimena, higijena muže, pojava rezistentnih mikroorganizama kao posljedica nekontrolisane upotrebe veterinarskih lijekova – antibiotika, problemi pojave rezidua u mlijeku,
- Potreba vođenja farmskih evidencija, dobra farmska praksa i briga za dobrobit životinja, kao preduslov za uzgoj kvalitetnih mliječnih grla i garancija za proizvodnju sigurnih proizvoda za krajnjeg konzumenta.
- Ekonomičnost proizvodnje i podsticaj izvoza.
- Podizanje razine svijesti imalaca životinja kao primarnog izvora zaraze, kroz kontrolu kretanja, vođenja farmskih evidencija i provođenju propisanih preventivnih mjera.

- Podizanje svijesti konzumenata proizvoda animalnog porijekla i upoznavanje sa mogućim rizicima koji proizilaze.
- Postizanje visokog stepena kontrole zaraznih i parazitarne bolesti domaćih i divljih životinja uz stalni monitoring epizootiološke situacije. Zaštita zdravlja ljudi od zoonoza, povećanje primarne animalne proizvodnje.

IV IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2016. godinu ("*Službene novine Zeničko- dobojskog kantona*", broj: 2/2016), u kojem je na stavci "Tekući transfer za Institut za zdravlje i sigurnost hrane Zenica za projekte iz oblasti veterinarstva" u razdjelu 23., budžetska organizacija 01, potrošačka jedinica 0001, ekonomski kod 614 100 planiran iznos od 160.000,00 KM.

Navedeni iznos sredstava će se realizovati prema pojedinačnim projektima uz predhodnu saglasnost Vlade.

V KORISNIK SREDSTAVA

Korisnik sredstava je Javna ustanova Instituta za zdravlje i sigurnost hrane Zenica na osnovu registrovane djelatnosti.

Broj: 02-_____/16.
Datum, 29.03.2016. godine
Z e n i c a

**PREMIJER
PO OVLAŠTENJU**

Himzo Smajić

DOSTAVLJENO:

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x a/a.